



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illustrium Virorum Poemata

Amstelodami, 1672

Ad Junium Palmottam, scriptorem egregii poëmatis, de rebus à Christo
Domino inter homines gestis, Illyrico carmine compositi. Ode.

urn:nbn:de:hbz:466:1-11215

Reddi Latinis rursus optasti sacris :
 Quicumque honestis debitum artibus decus
 Redire, dulci literarum & otio ;
 Festisque Musas implicatas frondibus
 Per Vaticanas ambulare porticus :
 Nunc tempus albas expedire victimas ,
 Votiva tempus tura , nunc sollemnia
 Aptare sacris dona pulvinaribus.
 Dedere cuncta Cælites tandem boni ,
 Plaudente quòd Olympo , & fremente Tartaro
 Maximus habenas rerum ALEXANDER tenet.

A D

JUNIUM PALMOTTAM,

*scriptorem egregii poematis , de rebus à Christo
 Domino inter homines gestis , Illyrico
 carmine compositi.*

O D E.

O Plena tristi mortis imagine
 Humana , durum vita negotium ,
 Assueta distinctos acerbis
 Ducere funeribus triumphos !
 Tu læta mœstis gaudia luctibus ,
 Mæstosque luctus lætitiis fugas ,
 Passimque commisces amara
 Cecropiis aconita succis.
 Quis turbo , qui te fulminis impetus
 Æquet volantem ? præcipitant dies ,

Anni-

Anniq̄ue vertentes, nec ulla est
Sat rigidis brevis hora Parc̄is.
Nil scepra quidquam regia, nil decus
Claro ebriarum murice vestium
Profunt, nec everfis superbi
De populis spoliōrum acervi:
Nihil secundus rumor, & inclytum
Nomen, faventūmque aura Quiritium,
Fascesque, lictoresque, & alta
Nobilium series avorum:
Nec summus imo discrepat, omnium
Immitis æquè sæva necessitas
Metit rapaci colla falce,
Aggerat & miseros beatis.
Virtute solâ fati adamantinas
Frangente leges. Illius in latus
Nil fortis adversæ, licetve
Persephonæ jaculis malignæ.
Hæc te erudito in pulvere splendidâ
JUNI laborum exercuit indole,
Vulgi recusantem profani
Gaudia, degeneresque curas.
Hæc docta sacri pectora Numinis
Replevit haustu, non alii dato:
Quô fretus audacem Deorum
Cœtibus infereres Camœnam:
Hæc nomen atri funeris inscium
Dedit, perennis cum strepitu lyræ
Latè volaturum per aures
Illyridum populorum amicas.